

陝西
興平縣鄉土志
卷一

地
170.75
53°
:1-6

興平縣鄉

土志

張元勳題

陝西西安府興平縣鄉土志總目錄

卷一

歷史

政績（興利 去害 訟聽）

兵事

耆舊 上

卷二

耆舊 中

卷三

耆舊 下

附名宦鄉賢祠

卷四

興平縣鄉土志 卷一 總目錄

人類

戶口

氏族

宗教

實業

附蠶桑樹畜

卷五

地理（方向 四界 形勢 鎮渡 里寨 學堂 古蹟

輿圖）

山

水

道路

物產 動物 動物製造 植物 植物製造 礦物 礦物製造

商務

卷六

附國文

政蹟者舊既經前錄又有移易意取明簡便初學也實業地理既述蠶桑樹苗復言形勢鎮寨詳急務握區要也物產一門既表性質之所主復及藥品之作用極製造之能事也附錄國文者各堂學科皆有與其選讀他文不如本境之爲切也人皆本境之人物皆本境之物事皆本境之事文亦皆本境之文約爲六卷所謂近也果能按星期鐘點分門授受不三年即可通完然後由近及遠怡然易順渙然易釋矣予未輯此以前本境人與平縣鄉土志

卷一

總目錄

文事物深多不能悉今因 明詔令州縣輯志猥膺此役以自愧者餉我邑人故不憚曉曉尤望教者出以指示醜切之口學者惕以祖受體會之心學問文行與時俱進此則區區苦心也然失煩失簡亦正多矣若博雅君子匡其不逮甚所願也

興平縣鄉土志目錄卷一

歷史

建置 沿革

政績

興利○沈 訥○郭孔完○章 評○楊天際○張宏圖○田

衷孚○胡蛟齡○許維權○徐開熙○顧聲雷○倪人

垌○王 權

去害○朱 雲○王 猛○龔衡齡○王 權

聽訟○魏 相○王 尊○李嗣真○侯鳴珂○王 權

兵事

周 秦 漢 晉 魏 唐 宋 元 明 國朝 城守營

警察局

興平縣鄉土志 卷一 目錄

耆舊

寶 融○漢光武 寶 憲○漢和帝 寶 章○漢順帝

寶 武○漢桓帝 寶 熾○周武帝 寶 榮定○隋武帝

寶 威○唐高祖 寶 抗○唐高祖 寶 參○唐德宗

寶 易直○唐文宗 寶 羣○唐德宗 寶 鞏○唐德宗

寶 興祖○明熹宗 寶 成璽○明莊烈 寶 讓○明崇禎

寶 善世○國朝 順治 班 彪○漢光武

班 固○漢明帝 班 超○漢明帝 班 援○漢光武

姪嚴敦○漢明帝 馬 防○漢明帝 馬 廖○漢明帝

馬 融○漢桓帝 馬 超○蜀先主

政蹟既以類分耆舊或以族姓蟬聯或以事蹟攸類故未能盡依帝世次序然必注明朝帝者令閱者開卷即知某人為某朝

某帝時人後每卷標目例此未詳者不妄注也

興平縣志

卷一

目錄

序

世之談輿地者動曰全球五大洲量亦遠矣世之論人物者動曰支那四萬萬志亦大矣至近而求之一鄉一邑之間有山川焉有道路焉多略而弗悉侈言五大洲胡爲也本境古今之會有者舊焉有戶口焉每茫而未知矜言四萬萬奚裨也萬里之程起於跬步百仞之臺基於撮土蓋行遠自邇登高自卑初等科學莫切於鄉土此時臣奏請 諭旨報可府廳州縣所以令其各成爲志也夫宏遠之謀本於識機務之應由於才而成才擴識則非學不可今因歐風美雨番番激刺朝野上下銳意興學而蒙學而小學而高學大學序無紊也蒙畢業而小學小畢業而中學中畢業而高學大學功罔缺也雖然非徒形式之謂是在真精神果以真精神貫注其中學無論各門教無論何等授者以真精神開引受者以真精神學習邁征其日月興平縣鄉土志 卷一 序

率勵其功修毋襲皮毛惟精液之是吸毋涉虛浮伊切實之是趨此時蒙學卽大學之梯階也今日修儒卽立朝之基礎也是之謂直學是之謂真才識蓋識生於才才成於學未有學不端其初步而能相底於成也前後 邑侯王鍾兩公以鄉土志見囑乃爲慎甄擇於舊志劬採訪於新知事不敢泛恐涉濫也善不敢隱懼流刻也僭綴數言醒事實也間有評論欲中正也幾經兩載之日星愧乏三長之根柢聊爲小學之指引尙祈大雅之鈞裁丁未夏邑人曉山張元際序於愛日堂後之百萬園

興平縣鄉土志卷一

歷史

建置沿革

今之興平唐王德二載所定名也（唐書地理志）唐虞夏商周屬雍州周曰犬邱懿王二年自鎬徙犬邱（帝王世紀）又曰槐里懿王十五年自宗周遷槐里（竹書紀年）春秋戰國屬秦秦非子居犬邱周孝王分土為附庸邑之（秦紀）秦曰廢邱（韋昭曰秦欲廢犬邱更名廢邱）漢初因之（史記漢元年羽立章邯為雍王都廢邱卽此地也）皆未縣也高祖三年始置縣曰槐里武帝建元二年割置茂陵邑宣帝本始元年又置平陵侯（漢書）故兩漢有槐里茂陵平陵三名屬右扶風魏文帝改平陵曰始平（元和郡國志）晉始始平郡治槐里始平縣屬焉後魏仍為始平縣屬扶風郡隋興平縣鄉土志卷一 歷史 一

廢郡縣屬雍州唐天授二年改隸稷州大足初復隸雍州（方輿紀要）中宗景龍四年以所養雍王守禮女為金城公主因改始平為金城（舊唐書吐傳）至肅宗至德二載始改今名屬京兆郡歷五代宋金因之元明為奉元路洪武二年改屬西安府

國朝仍其舊實核之犬邱槐里廢邱茂陵皆今興平縣地非縣治也犬邱槐里廢邱今縣南十里之南佐村茂陵縣東北一十七里平陵三十五里（今隸咸陽）金城在縣西三十里之烏窠惟始平故地為今縣治云

政績

興利

沈訥字訥菴明洪武三年令興平下車伊始見縣城久圯集紳耆義民籌貲築城浚壕不兩月而功竣城堞巍然凡官學之廢者興之官廨之頽者起之士民欣欣頌功德於不已焉

郭孔完字元成新鄉人父母歿屢墓六年在家以孝聞明嘉靖十七年令興平清潔謹嚴興廢舉墜邑隍廟建自元至正二年成化十四年王令琮增廣之嘉靖初頽圯已甚王令玉鉉役里甲用軍錢修補謗言紛起而止郭公之葺也素以仁政得民心乃用鄉耆率義民力不足者以贖金補工訖而人無不悅其愛民也以實心民皆感戴爲立生祠以祀之

非必以修廟爲功爲其仁心仁政素能深得民心故卽此一事

興平縣志

卷一

政績

二

民之樂義赴功已與前令不同

章計字斗陽遂甯人明嘉靖四十三年爲邑令生平敦崇禮教旣蒞任純欲以禮化人念非躬自率行無以令人服從乃延士之素習於禮者爲仲子延慶行冠禮又冠諸生李茂新等每月朔望集諸生講行鄉射禮凡弓矢布候旌麾鹿中（置矢者）二百餘器皆捐廉備治高陵呂涇野柵先生關中大儒也地近邑境建祠於儒學南榜曰真儒堂以爲多士觀法一時禮儀彬彬士民嘆爲數百年未有之盛漢惠帝以高祖創定天下令郡國立廟又曾於邑西南三十里過渭因名其村曰龍過村村因立廟庚辰夏不雨公知帝素著靈驗乃衣冠詣廟率父老子弟虔心拜禱明日雨次日又雨五日雨足父老走縣謝公公曰予何力之有焉帝之靈也瀕渭良田多爲水冲廟左右居民無恙又以惠政所感謝公公曰帝之

佑也我胡能爲公慨邑事多無典據乃稽冊檔訪紳耆創修縣志
興平之有縣志自公始也於是建置戶口人物田賦乃有所本民
爲立祠頌德焉

子路問政子曰先之朱子云凡民之行以身先之先之者躬行
也爲上者果能躬行則爲政有本而人亦易從公欲以禮化人
先冠仲子先集諸生講行射禮此爲士也至於爲民則躬詣禱
雨毫不爲功此所謂實心實政也民安得不立祠以祀哉

楊天際字沖元龍安人崇禎五年任時值明季盜賊蜂起流寇往來
如織公練兵勇治火械以爲防守及城境戒嚴嘗夜宿城上與民
勇同力保陞一方賴以得安

徐開熙字禾水嘉興人順治十四年任甫下車考風俗稽文物審民
情披閱舊志謂自明世宗章斗易創修後百有餘年豈無忠孝節

興平縣鄉土志

卷一

政績

三

義之大典章人物之盛堪以法今而傳後哉乃爲重修葺舊覈新
愈覺詳備明年與典史洪廷獻開鑿永濟泉以灌田亦名徐洪泉
又爲城內保甯寺捐立義學

張宏圖江陵人康熙二十四年任謂治城爲一邑之總樞士人肄業
之處渙散傾圮學胡能成乃於槐巷之南頤創建槐花書院延訂
名師一時生徒濟濟文教以興

田衷符建甯人康熙四十六年任值春祭見文廟祭器不備不潔謂
與祭諸紳曰孔子爲儒者之大宗丁祭乃崇奉之大典缺略如斯
有忝祀典乃倡治各器凡銅鐵俎豆祝敔琴瑟一切應具者一一
備治

張田二公善政甚多撮其要者一則書院一則文廟文廟爲肇
學之基書院爲爲學之地是皆以學爲急也學也者萬事萬物

之木二公爲政可謂得其本矣

胡峻齡字霖九涇縣人雍正四年任行才略六年重修文廟忠孝節義祠八年增修孤貧院定額四十八名境內義冢地凡五處店張鎮二畝本地人捐城西門外地二畝二分知縣田公用其東門外二畝西門外又二畝二分馬鬼鎮八畝皆公所增捐也縣治大門外東數十武鐘樓上祀文昌西數十武鼓樓上祀奎星與東城樓東關廂公皆爲之倡捐修葺又恐古蹟事實久而就湮也乃纂修縣志俾文獻有徵

甯垣不修垣弗可行昔之規國者已譏其政治之不能自強今西人之譏我中國者大率類此夫治城者一邑之表也望其城池雉堞缺圯門樓頽壞入於城內衙署公廨之破敗祠宇學舍之污穢其不能強於政教已見一斑胡公一一整頓又以孤

與平縣鄉土志

卷一

政績

四

貧院義冢地實求所以爲民貧死者則精神之貫注可知也豈徒外觀之有耀哉

許維權海甯人乾隆十七年任時本境楊雙山先生力行蠶桑逢人苦勸公知衣被之原實由於此乃即雙山之所爲者在在勸諭一時養蠶抽絲之事風行遠邇

顧聲雷字震蒼乾隆四十年任明年歲旱禱雨於西門外大白廟甘露沛降遂立禱雨感應碑書院自張公創建規模尙隘公爲增修大門講堂東西上房其址東西寬十六丈南北長二十丈又稟請以新嫩灘租增益膏火時畢秋帆沅撫陝札州縣考金石陵墓整修縣志公以名進士作宰有著述才卽約同里張舍人損廣前精核纂言紀事爲卷二十一五上呈中丞嘉其獨美備云

志者誌也所以誌當時之事以法今傳後也務爲詳博則失於

於繁力求簡古或失於略就吾陝而論韓之朝邑康之武功世
稱名志而康尙五十餘葉韓僅三十葉事蹟不詳興廢人物只
以一二語括之欲爲法奚爲法欲爲傳奚爲傳乎此洪穉存所
爲致譏歟公志原原本本畢著於此再三釋之具見苦心特筆
倪人垌字次郊望江人咸豐八年任自道光季年洪楊二逆造亂南
省雖經會胡官左諸名公戡靖餘孽未盡公知其必由南而北也
乃預爲謀築城浚池製抬槍鳥槍百餘枝大炮數十尊藥彈近萬
斤無知者或多蜚語及同治元年回匪變作繼之髮會藍二順突
從南至邑城防守有資賴以不失乃共服公之謀慮爲獨遠云

未雨綢繆經有明訓庸人無識反以爲多事及至變生有備者
無患無備者咨嗟嘆息悔已無及可勝慨哉

王權字心如甘肅伏羌人同治十三年任下車伊始先訪兵燹後之
興平縣鄉土志

卷一

政績

五

抗節殉難者稟請旌表建坊通衢手續邑志自乾隆四十年
顧公修後百有餘年散佚頗多公以建置沿革田賦古蹟僅資掌
故而人物爲風俗教化之所關乃分忠節孝義文學列女爲四傳
題曰興平縣續士女志又爲培植文風崇高文樓費皆已出公鮮
素封士子鄉會試艱苦乏資斧公慨捐千金取子留母爲經久計
今歸入學堂仍爲士用光緒三年歲海飢公力請上台權殺賑
救又捐廉爲粥躬親散給民多賴以全活七年仍大歉公報禾收
分數如數上之當道意諱災以其少也諭郡守致書令改冊公曰
以少報多欺天平欺民乎執不肯前檄各屬續捐義穀公又據理
以爭略謂歉收之後民食時形不足尙有餘穀積倉乎落落千餘
言情切詞直當道謂僚友曰強項哉王令興平如是他邑又當何
如遂撤任公怡然解任赴省當道知公在興素有政蹟復以溫言

詞相接又因去興之日士民赴省攀憲輿泣留者數百人未幾仍令回任

公體貌極癯而神氣清迥不凡少負才子之名不欲以才見劬志力學及宰吾邑教訓士子雖極淺近語亦含六籍深蘊娓娓率真如老學究然至事物之間義有所不可則屹然中立義有所當爲則毅然措辦自來爲宰不妄取錢者有之能慨捐千金者有幾不殘民者有之能嚴以懲惡者有幾不媚上者有之能據理以爭者有幾公皆準義而行無所顧忌非才而深於學者能之哉

去書

朱雲字游魯人身長八尺餘容貌雄偉漢成帝時爲槐里令時中書令石顯用事與五鹿充宗爲黨百僚畏之惟御史中丞陳咸年幼抗節不附顯等而與雲相接雲數上書言丞相韋元成庸碌保位石顯爲之左右並論安昌侯張禹之佞請劍以斷其頭一事詳所輯國文

朱雲爲令官甚微小乃得上書言事並言丞相中書之賢否固能直諫亦由漢之言路開也後世外官惟督撫將軍學憲得以專摺言事餘則惟請代奏言過甚者則不代也近以言路壅塞利弊不盡上聞乃有司道及紳民言事之議

王猛字景略北海劇人也苻堅將有大志聞猛名招之語及廢興大事異符同氣若元德之遇孔明也時如平豪右縱橫乃以猛爲始

興平縣鄉土志

卷一

政績

七

平令猛下車明法峻刑禁勒強豪鞭殺一吏堅鞫而問曰爲政以德化爲先莅任未幾卽行殺戮何其酷也猛曰臣聞宰甯國以禮治亂邦以法陛下任臣以劇邑謹爲朋君剪除凶猾始殺一姦餘尙萬數若以臣不能肅清軌法者敢不甘心鼎鑊若謂臣爲酷政臣未敢受堅謂羣臣曰王景略者夷吾子產之儔也於是重用諸葛君有言治世以大德不以小惠所謂大德者施法行政有準乎道非殘苛亦非喫味也夫立法以嚴使人不敢犯則刑者少而不刑者必多立法以寬人多輕試則刑者多而不刑者必少此中得失不辨自明而世顧多昧焉者何也景略謂治甯國以禮治亂邦以法此諸葛治蜀之道也諸葛治蜀而蜀治景略治秦而秦亦受治然則王武侯其諸葛武侯之亞而得治世之法歟豈僅能治始平一邑哉

龔衡齡字任臣福建人道光二十六年任次年大飢公以邑城領圯乃築城以上代賑窮民賴以全活者無數初軍流至縣輪派鄉間分管鄉人晝支飲食夜防逃竄渠輩又恣肆索逼鄉民不勝其慘然相沿已久惟有吞聲忍氣以從之公愛民如子於貧民尤甚知其爲苦難堪也乃於治城購置房基創立流民戶歸衙役管束民間乃無是累立石以頌其德焉

公宰邑七八年修試院興學校恤孤寡善政頗多至今耆老道及猶曰龔爺則當年之浹洽益可知矣

王心如之再主興也洞洞各種積弊刀爲剔除邑富衝途供億浩繁嘗拉一馬必至擾及四鄉徒飽蠹胥之詐索而差仍多誤公尊節治費買馬五十四匹併錢三十緡令附郭居民出保分領無差則畜養日用有役則仍給草料之費以支官差於是下鄉拉馬之弊息

里局供贖廟流差錢月恒一百七十緡驛馬每逢退換規費百緡催科總役每給一百二十緡與凡事之稍近誅求者公皆悉爲罷除不他恤也於是差徭歲省民錢三千餘緡

地丁徵收每兩至一六三公裁至一五三兩省一錢又革去火耗口袋寄收等費以整平五十兩納收兩省六七分兵書緡收屯更二米同一合爲升公令合納合升納升併樹碑勒石永爲禁絕均自來蒞興者所未有也於是銀糧兩項歲省民錢五千緡有奇邑南鄉濱海居民良田爲水冲崩無地有糧者愁苦萬狀公兩次上稟請免空糧窮民謀食者往往家畜一驢運販麥穀而牙儉之黠者按頭收錢百文謂之驢頭錢不勝爭擾公力禁之於是窮民空浮剝索之弊息

官之仁於爲民者興利除弊具大要也其實興除卽利也然二

者相衡除弊更難於興利弊者多眾分利益相沿已久以爲固然者也苟非知明而又有大力未易爲功士人初入仕版嘗自矢曰吾決不妄取一錢守舊規而已其父兄戚友亦箴之曰但守舊規而已萬勿妄取一錢此其心何嘗不善其言何嘗不是然所謂舊規者卽陋規也弊嘗居八九而可取者僅一二焉卽如局供縣廚月一百七十緡地丁徵收兩多一錢驛馬退換規費百緡皆舊規也依前行之有何不可而公則深知其不可也毅然裁革不少瞻顧智也勇也而仁注乎其中矣

聽訟

魏相字弱翁定陶人也昭帝時舉賢良以對策高第爲茂陵令御史大夫桑宏羊客詐稱爲御史宿傳舍丞不以時謁客怒縛丞相疑其有姦收捕得實按治其罪論棄客於市由是豪強畏服茂陵大治

疑其有姦有定識也按治其罪有定力也本此識力直道而行宜其由州刺史爲給事中以至爲相上深重之

王尊字子貢涿郡高陽人也漢元帝初元中守槐里兼美陽令事春正月美陽女子告子不孝曰兒常以我爲妻詭言我尊聞之遣吏收捕驗問得實尊曰律無妻母之法聖人所不忍書此經所謂造獄者於是出坐庭上取不孝子著於樹使騎吏五人張弓射殺之吏民大驚畏（後遷益州刺史行至邛笏九折阪問吏曰此非王陽所畏途耶吏對曰是尊叱其馭曰驅之王陽爲孝子王尊爲忠臣先是王陽行至此歎曰奉先人遺體奈何數乘此險遂以病告歸

興平縣鄉土志

卷一

聽訟

十

以母爲妻者役使如妻有不順意詬之笞之如妻也漢世法律未密故少此條子貢以五弓矢射殺已極重矣然視今之凌遲處死尚輕世之寬於役妻而嚴於役母者可不畏哉

李嗣真字承胄趙州柏人唐高宗調露中爲始平令禮士愛民風化大行時太子作寶慶曲以爲歌舞嗣真謂人曰宮不召商君臣乖也角卣徵戾父子疑也若國家無事太子應任其咎未幾太子果廢嗣真擢太常丞以去

以角徵之不調便知有廢太子之事非審音知曲而察於其徵者不能也可知古人作樂以象功德誠非率爾韶盡善武未盡